

PL

Su, Hsuan-ying

2724

Yen tzu k'an ts'an

U2A17


kao

1923


East Asi**PLEASE DO NOT REMOVE**

CARDS OR SLIPS FROM THIS POCKET

UNIVERSITY OF TORONTO LIBRARY



Digitized by the Internet Archive
in 2018 with funding from
University of Toronto



紫羅蘭
盒小叢
書之三

蕤子龕殘藁
幽丁

張自侯
PL
2724
U2A17
1923



ELECTRONIC VERSION
AVAILABLE

NO. B00000008

弁言

香山曼殊上人。工詩善畫。精梵文。兼通英法文字。少孤僻。遁入空門。倏然作出世想。嘗手譯英吉利詩人拜輪彭斯輩詩。沈博絕麗。無媿元作。偶出其緒餘爲小說家言



。亦戛戛獨造。匪人所及。所造如碎簪焚劍絳紗非夢諸記。傳誦江國。予心儀其人。歷有年所。欲一見以爲快。民國七年春。得友人劉半農書。謂曼殊方在海上。臥病某醫院。將往訪顧已以下世聞矣。十載相思。天獨斬我一面。此心耿耿。不能已也。茲特輯其詩文雜之著。彙爲一編。顏之曰燕子龕殘稿。纂輯既竟。適當晦夕。月黑天高。陰風在闥。吾曼殊之魂。其來歆乎。

癸亥孟秋吳門周瘦鵬識於紫羅閣。



燕子龕殘稿目錄

詩

..... 1

譯詩

..... 二三

隨筆

..... 三五

書札

..... 六一

序跋雜文

..... 八九





蘇曼殊遺像



燕子龕殘稿

香山蘇玄瑛曼殊

詩

□ 爲玉鸞女弟繪扇

日○暮○有○佳○人○獨○立○瀟○湘○浦○疎○柳○盡○含○煙○似○憐○亡○國○苦○

□ 飲席贈歌者

一○曲○凌○波○去○紅○蓮○禮○白○蓮○江○南○誰○得○似○猶○憶○李○龜○年○

□ 簡法忍

來○醉○金○莖○露○胭○脂○畫○牡○丹○落○花○深○一○尺○不○用○帶○蒲○團○

□ 南樓寺懷法忍葉葉

萬物逢搖落。姮娥耐九秋。
綈衣人不見。獨上寺南樓。

□ 住西湖白雲禪院作此

白雲深處擁雷峰。幾樹寒梅帶雪紅。
齋罷垂垂渾入定。菴前潭影落疏鐘。

□ 東行別仲兄

江城如畫一傾杯。乍合仍離倍可哀。
此去孤舟明月夜。排雲誰與望樓臺。

□ 過若松町有感

孤燈引夢記朦朧風雨鄰菴夜半鐘
我再來時人已去涉江誰爲采芙蓉

□ 過若松町有感示仲兄

契闊死生君莫問行雲流水一孤僧
無端狂笑無端哭縱有歡腸已似冰

□ 汽車中隔座女郎言其妹氏懷仁仗義年僅十三乘

摩多車冒風而歿余憐而慰之並示湘痕阿可

人間花草太匆匆春未殘時花已空
自是神仙淪小謫不須惆悵憶芳容

□ 憩平原別邸贈玄玄

狂歌走馬遍天涯。斗酒黃雞處士家。逢君別有傷心在。且看寒梅未落花。

□ 束裝歸省道出泗上會故友張君雲雷亦歸漢土感

成此絕

范滂有母終須養。張儉飄零豈是歸。萬里征途愁入夢。天南分手淚沾衣。

□ 過平戶延平誕生處

行人遙指鄭公石。沙白松青夕照邊。極目神州餘子盡。袈裟和

淚○伏○碑○前○

□ 過蕭田

柳○陰○深○處○馬○蹄○驕○無○際○銀○沙○逐○退○潮○茅○店○冰○旗○知○近○市○滿○山○紅○
葉○女○郎○樵○

□ 西湖韜光菴夜聞鶉聲簡劉三

劉○三○舊○是○多○情○種○浪○迹○煙○波○又○一○年○近○日○詩○腸○饒○幾○許○何○妨○伴○
我○聽○鶉○

□ 寄晦聞

忽○聞○鄰○女○豔○陽○歌○南○國○詩○人○近○若○何○欲○寄○數○行○相○問○訊○落○花○如○

雨○亂○愁○多○

□ 淀江道中口占

孤○村○隱○隱○起○微○煙○處○處○秧○歌○競○種○田○羸○馬○未○須○愁○遠○道○桃○花○紅○
欲○上○吟○鞭○

□ 失題

落○日○滄○波○遠○島○濱○悲○笳○一○動○獨○傷○神○誰○知○北○海○吞○氈○日○不○愛○英○
雄○愛○美○人○

□ 題師梨集

誰○贈○師○梨○一○曲○歌○可○憐○心○事○正○蹉○跎○琅○玕○欲○報○何○從○報○夢○裏○依○

稀○認○眼○波○

□ 西班牙雪鴻女詩人過存病榻親持玉照一幅拜輪
遺集一卷曼陀羅花共含羞草一束見貽且殷殷
勸以歸計嗟夫予早歲披髯學道無成思維身世
有難言之恫爰扶病書二十八字於拜輪卷首此
意惟雪鴻大家能知之耳

秋○風○海○上○已○黃○昏○獨○向○遺○編○弔○拜○輪○詞○客○飄○蓬○君○與○我○可○能○異○
域○爲○招○魂○

□ 有懷

玉砌孤行夜有聲。美人淚眼尙分明。莫愁此夕情何限。指點荒煙鎖石城。

生天成佛我何能。幽夢無憑恨不勝。多謝劉三問消息。尙畱微命作詩僧。

爲調箏人繪像

收拾禪心侍鏡臺。沾泥殘絮有沈哀。一嘗作風絮美人圖。寄晦公廣州晦公寄余詩。有向人風絮有沈哀句。一湘弦灑遍胭脂淚。香火重生劫後灰。

淡掃蛾眉朝畫師。同心華髻結青絲。漢元帝時有同心髻。頂

髮相纏束以絳羅。今日本尙有此風。一杯顏色和雙淚。寫就梨花付與誰。

調箏人將行屬續金粉江山圖題贈一絕

乍聽鷓鴣歌似有情。危弦遠道客魂驚。何心描畫閒金粉。枯木寒山滿故城。

送卿歸去海潮生。點染生綃好送行。五里徘徊仍遠別。未應辛苦爲調箏。

寄調箏人

禪心一任蛾眉妬。佛說原來怨是親。雨笠煙蓑歸去也。與人無

愛亦無嗔

生憎花發柳含煙東海飄零二十年
懺盡情禪空色相琵琶湖畔枕經眠

偷嘗天女脣中露幾度臨風拭淚痕
日日思君令人老孤窗無那正黃昏

□ 耶婆提病中末公見示新作伏枕奉答兼呈曠處士

君爲塞上鴻我見華亭鶴遙念曠處士對花弄春爵
良訊東海來中有游仙作勸我加餐飯規我近綽約
炎蒸困羈旅南海何遼索上國亦已蕪黃星向西落
青驪逝千里瞻烏止誰屋江南春已

晚淑景付冥莫。建業在何許。胡塵紛漠漠。佳人不可期。皎月照羅幕。九關日已遠。肝膽竟誰託。願得趨無生。長作投荒客。竦身上須彌。四顧無崖嶠。我馬已玄黃。梵土仍寥廓。恆河去不息。悲風振林薄。袖中有短書。思寄青飛雀。遠行戀儔侶。此志常落拓。

無題

綠窗新柳玉臺傍。臂上微聞菽乳香。畢竟美人知愛國。自將銀管學南唐。

輕紅簾動月輪西。冰作欄杆玉作梯。寄語麻姑要珍重。鳳樓迢遞燕應迷。

水晶簾捲一燈昏。寂對河山叩國魂。祇是銀鶯羞不語。恐防重惹舊啼痕。

空言少據定難猜。欲把明珠寄上才。聞道別來餐事減。晚粧猶待小鬟催。

綺陌春寒壓馬嘶。落紅狼藉印苔泥。莊辭珍貺無由報。此別愁眉又復低。

棠梨無限憶鞦韆。楊柳腰肢最可憐。縱使有情還有淚。漫從人海說人天。

羅幙春殘欲暮天。四山風雨總纏綿。分明化石心難定。多謝雲

娘○十○幅○箋○

星○裁○環○珮○月○裁○璫○一○夜○秋○寒○掩○洞○房○莫○道○橫○塘○風○露○冷○殘○荷○猶○
自○蓋○鴛○鴦○

□ 本事

春○雨○樓○頭○尺○八○簫○何○時○歸○看○浙○江○潮○芒○鞋○破○鉢○無○人○識○踏○過○櫻○
花○第○幾○橋○

丹○頓○拜○倫○是○我○師○才○如○江○海○命○如○絲○朱○弦○休○爲○佳○人○絕○孤○憤○酸○
情○欲○語○誰○

桃○顯○檀○口○坐○吹○箏○春○水○難○量○舊○恨○盈○華○嚴○瀑○布○高○千○尺○未○及○卿○

卿○愛○我○情○

烏○舍○凌○波○肌○似○雪○親○持○紅○葉○索○題○詩○還○卿○一○鉢○無○情○淚○恨○不○相○
逢○未○髥○時○

丈○室○番○茶○手○自○煎○語○深○香○冷○涕○漣○然○生○身○阿○母○無○情○甚○爲○向○摩○
耶○問○夙○緣○

相○憐○病○骨○輕○於○蝶○夢○入○羅○浮○萬○里○雲○贈○爾○多○情○書○一○卷○他○年○重○
檢○石○榴○裙○（贈以梵本沙恭達羅）

慵○妝○高○閣○鳴○箏○坐○羞○爲○他○人○工○笑○顰○鎮○日○歡○場○忙○不○了○萬○家○歌○
舞○一○閒○身○

無○量○春○秋○無○量○恨○一○時○都○向○指○間○鳴○我○亦○艱○難○多○病○日○那○堪○更○
聽○八○雲○箏○

碧○玉○莫○愁○身○世○賤○同○鄉○仙○子○獨○銷○魂○袈○裟○點○點○疑○櫻○瓣○半○是○脂○
痕○半○淚○痕○

九○年○面○壁○成○空○相○持○錫○歸○來○悔○晤○卿○我○本○負○人○今○已○矣○任○他○人○
作○樂○中○箏○

□ 吳門依易生韻

江○南○花○草○盡○愁○根○惹○得○吳○娃○笑○語○頻○獨○有○傷○心○驢○背○客○暮○煙○疎○
雨○過○閭○門○

碧海雲峰百萬重。中原何處託孤蹤。
春泥細雨吳趨地。又聽寒山夜半鐘。

月華如水浸瑤堦。環珮聲聲擾夢懷。
記得吳王宮裏事。春風一夜百花開。

姑蘇臺畔夕陽斜。寶馬金鞍翡翠車。
一自美人含淚去。河山終古是天涯。

萬戶千門盡劫灰。吳姬含笑踏青來。
今日已無天下色。莫牽麋鹿上蘇臺。

水驛山城盡可哀。夢中衰草鳳凰臺。
春色總憐歌舞地。萬花撩

亂爲誰開。

年華風柳共飄蕭。酒醒天涯問六朝。猛憶玉人明月下。悄無人處學吹簫。

萬樹垂楊任好風。斑駁西向水田東。莫道碧桃花獨豔。澱山湖外夕陽紅。

平原落日馬蕭蕭。賸有山僧賦大招。最是令人淒絕處。垂虹亭畔柳波橋。

碧城煙樹小彫樓。楊柳東風繫客舟。故國已隨春日盡。鷓鴣聲急使人愁。

白水青山未盡思。人間天上兩霏微。輕風細雨紅泥寺。不見僧歸見燕歸。

東居雜詩十九首

卻下珠簾故故羞。浪持銀蠟照梳頭。玉階人靜情難訴。悄向星河覓女牛。

流螢明滅夜悠悠。素女嬋娟不耐秋。相逢莫問人間事。故國傷心祇淚流。

羅襦換罷下西樓。荳蔻香溫語未休。說到年華更羞怯。水晶簾下學箜篌。

翡翠流蘇白玉鉤。夜涼如水待牽牛。知否去年人去後。枕函紅淚至今畱。

異國名香莫浪偷。窺簾一笑意偏幽。明珠欲贈還惆悵。來歲雙星怕引愁。

碧闌干外夜沈沈。斜倚雲屏燭影深。看取紅酥渾欲滴。鳳文雙結是同心。

秋千院落月如鉤。爲愛花陰嬾上樓。露溼紅蕖波底韞。自拈羅帶淡蛾羞。

折得黃花贈阿嬌。暗擡星眼謝王喬。輕車肥犢金鈴響。深院何

人○弄○碧○簫○

碧○沼○紅○蓮○水○自○流○涉○江○同○上○木○蘭○舟○可○憐○十○五○盈○盈○女○不○信○盧○
家○有○莫○愁○

鐙○飄○珠○箔○玉○箏○秋○幾○曲○回○闌○水○上○樓○猛○憶○定○庵○哀○怨○句○三○生○花○
草○夢○蘇○州○

人○間○天○上○結○離○憂○翠○袖○凝○妝○獨○倚○樓○淒○絕○蜀○楊○絲○萬○縷○替○人○惜○
別○亦○生○愁○

六○幅○瀟○湘○曳○畫○裙○鐙○前○蘭○麝○自○氤○氲○扁○舟○容○與○知○無○計○兵○火○頭○
陀○淚○滿○樽○

銀燭金杯映綠紗。空持傾國對流霞。酡顏欲語嬌無力。雲髻新簪白玉花。

蟬翼輕紗束細腰。遠山眉黛不能描。誰知詞客蓬山裏。煙雨樓臺夢六朝。

胭脂湖畔紫驕驕。流水棲鴉認小橋。爲向芭蕉問消息。朝朝紅淚欲成潮。

珍重嫦娥白玉姿。人天攜手兩無期。遺珠有恨終歸海。睹物思人更可悲。

誰憐一闋斷腸詞。搖落秋懷祇自知。況是異鄉兼日暮。疏鐘紅

葉○墜○相○思○

槭○槭○秋○林○細○雨○時○天○涯○飄○泊○欲○何○之○空○山○流○水○無○人○迹○何○處○蛾○眉○有○怨○詞○

蘭○蕙○芬○芳○總○負○伊○並○肩○攜○手○納○涼○時○舊○廂○風○月○重○相○憶○十○指○纖○纖○擘○荔○枝○

譯 詩

□ 譯英國名家詩

星○耶○峰○耶○俱○無○生○浪○撼○沙○灘○嚴○滴○淚○圍○範○茫○茫○寧○有○情○我○將○化○
泥○溟○海○出○

□ 冬日譯師梨詩

孤○鳥○棲○寒○枝○悲○鳴○爲○其○曹○河○水○初○結○冰○冷○風○何○蕭○蕭○荒○林○無○宿○
葉○瘠○土○無○卉○苗○萬○籟○盡○寥○寂○唯○聞○喧○挈○皋○

□ 去燕

燕子歸何處。無人與別離。女行箋誰見。誰爲感差池。
女行未分明。蹀躞復何爲。春聲無與和。尼南欲語誰。
遊魂亦如是。蛻形共驅馳。將翔復將翔。隨女天之涯。
翻飛何所至。塵寰總未知。女行諒自適。獨我棄如遺。

□ 頽頽赤牆靡譯彭斯詩

頽頽赤牆靡。首夏初發苞。惻惻清商曲。眇音何遠姚。
予美諒天紹。幽情申自持。倉海會流枯。相愛無絕期。
倉海會流枯。頑石爛炎熹。微命屬如縷。相愛無絕期。
摻袪別予美。離隔在須臾。阿陽早日歸。萬里莫踟躕。

樂苑

萬卉匝唐園深黝乃如海嘉實何青青按部分班采
鬱鬱曼皋林并閭竦蒼柱木縣揚朱脣臨池歌嘯喻
明月穿疎篁眉撫無比倫分光照菡萏幻作一甌銀
佳人勸醇醪令我精魂奪佇眙復佇眙樂都長脣脣
梵士女詩人陀露哆爲其宗國告哀成此一首詞旨華深
正言若反嗟乎此才不幸短命譯爲五言以示諸友且贈
其妹氏於藍巴干藍巴干其家族之園也曼殊

譯拜輪答美人贈束髮璫帶詩示彈箏人

可以結綢繆。文紕持作緼。曾用繫卷髮。貴與仙蛻倫。
繫著羅衣裏。魂魄遠相牽。共命到百歲。殉我歸重泉。
朱脣一相就。酌液皆芬香。相就不幾時。何如此意長。
以此俟偕老。見當念舊時。摯情如根荳。勾萌無絕期。
參髮乃如銑。波文映珍鬢。顙首一何俊。舉世無與易。
錦帶約巖髻。朗如炎精敷。赤道曠無雲。光景何鮮曄。

□ 沙恭達倫

春華瑰麗亦揚其芬。秋實盈衍亦蘊其珍。悠悠天隅。恢恢地輪。
彼美一人。沙恭達倫。

拜倫大海行

皇濤○瀾○汗○靈○海○黝○冥○萬○艘○鼓○楫○泛○若○輕○萍○茫○茫○九○圍○每○有○遺○虛○
曠○哉○天○沼○匪○人○攸○居○大○器○自○連○振○盪○粵○牟○豈○伊○人○力○赫○彼○神○工○网○
象○乍○見○決○舟○沒○人○狂○譽○未○幾○遂○爲○波○臣○掩○體○無○棺○歸○骨○無○墳○喪○鐘○
聲○嘶○逝○矣○誰○聞○誰○能○乘○蹻○履○涉○狂○波○藐○諸○蒼○生○其○奈○公○何○決○決○大○
風○立○儒○起○罷○茲○維○公○功○人○力○何○衰○亦○有○雄○豪○中○原○陵○厲○自○公○匈○中○
擿○彼○空○際○驚○浪○霆○奔○懾○魂○懷○神○轉○側○張○皇○冀○爲○公○憐○騰○瀾○赴○厓○載○
彼○微○體○拚○溺○含○弘○公○何○豈○弟○搖○山○撼○城○聲○若○雷○霆○于○公○黔○首○莫○不○
震○驚○赫○赫○軍○艘○亦○有○浮○名○雄○視○海○上○大○莫○與○京○自○公○視○之○藐○矣○其○

形紛紛溶溶旋入滄溟彼阿摩陀失其威靈多羅縛迦壯氣亦傾
 傍公而居雄國幾許西利佉維希臘羅馬偉哉自繇公所覩予君
 德既衷耗哉斯土遂公遺虛公自所覽以敖以娛濬回濤舞蒼顏
 不戰長壽自古渺瀰澶漫滔滔不舍赫如陽燄神靈是鑑別風淮
 雨上臨下監扶搖羊角溶溶澹澹北極凝冰赤道淫灩浩此地鏡
 無裔無襜圓形在前精光奔閃精魅變怪出爾泥淦回流云轉氣
 易舒慘公之淫威忽不可驗蒼海蒼海余念舊恩兒時水嬉在公
 膺前沸波激岸隨公轉旋淋淋翔潮媵余往還滌我胷臆憎我精
 魂惟余與女父子之親或近或遠託我元身今我來斯握公之髻

□ 拜倫去國行

行○行○去○故○國○瀨○遠○蒼○波○來○鳴○湍○激○夕○風○沙○漚○聲○淒○其○落○日○照○遠○
 海○遊○子○行○隨○之○須○臾○與○爾○別○故○國○從○此○辭○日○出○幾○剎○那○明○日○瞬○
 息○間○海○天○一○清○嘯○舊○鄉○長○棄○捐○吾○家○已○荒○涼○鑪○竈○無○餘○煙○牆○壁○生○
 蒿○藜○犬○吠○空○門○邊○童○僕○爾○善○來○恫○哭○亦○胡○爲○豈○懼○怒○濤○怒○抑○畏○
 狂○風○危○涕○泗○勿○滂○沱○堅○船○行○若○飛○秋○鷹○甯○爲○疾○此○去○樂○無○涯○童○
 僕○前○致○辭○敷○衽○白○丈○人○風○波○甯○生○憚○我○心○諒○苦○辛○阿○翁○長○別○離○茲○
 母○平○生○親○瑩○瑩○誰○復○顧○蒼○天○與○丈○人○阿○翁○祝○我○健○殷○勤○尙○少○怨○
 阿○母○沈○哀○恫○嗟○猶○來○無○遠○童○子○勿○復○道○淚○注○盈○千○萬○我○若○效○童○愚○

流○淚○當○無○算○ 火○伴○爾○善○來○爾○顏○胡○慘○白○或○懼○法○國○仇○抑○被○勁○風○
赫○火○伴○前○致○辭○吾○生○豈○驚○迫○獨○念○閨○中○婦○顛○容○定○枯○瘠○ 賤○子○有○
妻○孥○隨○公○居○澤○邊○兒○嚇○索○阿○爹○阿○母○心○熬○煎○火○伴○勿○復○道○悲○苦○定○
何○言○而○我○薄○行○人○狂○笑○去○悠○然○ 誰○復○信○同○心○對○人○陽○太○息○得○新○
已○棄○舊○媚○目○生○顏○色○懽○樂○去○莫○哀○危○難○甯○吾○逼○我○心○絕○悽○愴○求○淚○
反○不○得○ 悠○悠○倉○浪○天○舉○世○無○與○忤○世○旣○莫○吾○知○吾○豈○歎○離○羣○路○
人○飼○吾○犬○哀○聲○或○狺○狺○久○別○如○歸○來○蓄○我○腰○間○禪○ 帆○檣○女○努○力○
橫○超○幻○泡○縈○此○行○任○所○適○故○鄉○不○可○期○欣○欣○波○濤○起○波○濤○行○盡○時○
欣○欣○荒○野○窟○故○國○從○此○辭○

拜倫哀希臘

John of Greece

巍巍希臘都生長奢浮好情文何斐亶茶輻思靈保証伐和親
 策陵夷不自葆長夏尙滔滔積陽照空島 罕訶與諦訶詞人之
 所生壯士彈坎侯靜女揄鳴箏榮華不自惜委棄如浮萍宗國寂
 無聲迺向西方鳴 山對摩羅東海水在其下希臘如可興我從
 夢中觀波斯京觀上獨立向誰語吾生豈爲奴與此長終古 名
 王踞巖石雄視莎邏濱船師列千艘率土皆其民晨朝大點兵至
 暮無復存一爲亡國哀淚下何紛紛 故國不可求荒涼問水瀕
 不聞烈士歌勇氣散如雲琴兮國所寶仍世以爲珍今我胡疲茶

拱○手○與○他○人○ 威○名○盡○墜○地○舉○族○供○奴○畜○知○爾○憂○國○士○中○心○亦○以○
慙○而○我○獨○行○謠○我○猶○無○面○目○我○爲○希○人○羞○我○爲○希○臘○哭○ 往○者○不○
可○追○何○事○徒○頻○蹙○尙○念○我○先○人○因○茲○糜○血○肉○冥○冥○蒿○里○間○三○百○斯○
巴○族○但○令○百○餘○一○堪○造○披○麗○谷○ 萬○籟○一○以○寂○徬○徬○聞○鬼○喧○鬼○聲○
紛○飄○飄○幽○響○如○流○泉○生○者○一○人○起○導○我○赴○行○間○槁○骨○徒○爲○爾○生○者○
墨○無○言○ 徒○勞○復○徒○勞○我○且○調○別○曲○注○滿○杯○中○酒○我○血○勝○艷○淥○不○
與○突○厥○爭○此○胡○本○游○牧○嗟○爾○俘○虜○餘○酹○酒○顏○何○慙○ 王○迹○已○陵○夷○
尙○存○羽○衣○舞○卑○盧○方○陣○法○知○今○在○何○許○此○迺○爾○國○故○糜○散○隨○塵○土○
偉○哉○佉○盧○書○甯○當○詒○牧○圉○ 注○滿○杯○中○酒○勝○事○日○以○墮○阿○那○有○神○

歌神歌今始知曾事波利葛力能絕天維雄君雖云虐與女同本
 支。羯。島。有。暴。君。其。名。彌。爾。抵。闊。達。有。大。度。勇。敢。爲。世。師。今。茲。丁。
 造。末。安。得。君。如。斯。束。民。如。連。豈。鎖。患。民。崩。離。注。滿。杯。中。酒。倏。然。
 懷。故。山。峨。峨。修。里。巖。湯。湯。波。家。灣。繫。彼。陀。離。種。族。姓。何。斑。斑。儻。念。
 希。羅。嘎。龍。胤。未。凋。殘。莫。信。法。郎。克。人。實。誑。爾。者。鋒。刃。藏。禍。心。其。
 王。如。商。賈。驕。似。突。厥。軍。黠。如。羅。甸。虜。爾。盾。雖。彭。亨。擊。碎。如。破。瓦。
 注。滿。杯。中。酒。樾。下。舞。婆。娑。國。恥。棄。如。遺。靚。妝。猶。娥。娥。明。眸。復。善。睐。
 一。顧。光。婁。離。好。乳。乳。奴。子。使。我。涕。滂。沱。我。立。須。甯。峽。旁。皇。雲。石。
 梯。獨。有。海。中。潮。伴。我。聲。悲。嘶。願。爲。摩。天。鵠。至。死。鳴。且。飛。碎。彼。娑。明。

杯。俘。邑。安。足。懷。

隨筆

燕子龕隨筆

朱舜水墓在日本茨城縣久慈郡瑞龍山舜水沒數年有張裴者慕舜水高義追蹤而至爲文以祭之裴字非文著有莽蒼園文稿水藩梓以行世後太炎居士重爲排比始得流轉中土今日人已將舜水全集刊行所謂飲水思源者也余憶舜水五古一首云九州如瓦解忠信苟偷生受詔蒙塵際晦迹到東瀛回天謀未就長星夜夜明單身寄孤島抱節比田橫已聞鼎命革西望獨吞聲

其○當○日○眷○懷○君○國○之○志○鬱○而○不○申○可○哀○也○已○

山○寺○中○北○風○甚○烈○讀○放○翁○集○淚○痕○滿○紙○令○人○心○惻○最○愛○其○衣○上○
征○塵○雜○酒○痕○遠○遊○無○處○不○消○魂○此○身○合○是○詩○人○未○細○雨○騎○驢○過○劍○
門○一○絕○嘗○作○劍○門○圖○懸○壁○間○翌○日○被○香○客○竊○去○

十○一○月○十○五○日○病○臥○祇○桓○精○舍○仁○山○老○檀○越○爲○余○言○秦○淮○馬○湘○
蘭○證○果○事○甚○詳○近○人○但○優○作○裙○帶○中○語○而○不○知○彼○姝○生○天○成○佛○也○
南○雷○有○言○人○而○不○甘○寂○寞○何○事○不○可○爲○籠○鷄○有○食○湯○刀○近○野○鶴○
無○糧○天○地○寬○二○語○特○爲○今○之○名○士○痛○下○針○砭○耳○

瑪○哈○默○德○本○麥○加○產○少○時○家○貧○傭○於○嫠○婦○開○池○育○家○開○氏○尙○其○

爲人正直無私遂嫁之因而得廣交游至埃及敘利亞等地受猶太基督兩教感化歸而隱退山中靜坐思維至四十歲始下山自立一教曰於斯蘭於斯蘭者譯言服從倡宇宙一神論著可蘭經典。

人間紅蓮花之上者曰波曇

伽摩 Kama 者印度情愛尊天貌極端美額上有金書字迹不可辨手持弓以簫幹爲之蜜蜂聯比而成弦持五矢矢尖飾以同心花謂得從五覺貫入心坎腰間繫囊二用麻布製之實以凌零香屑其旂畫海妖狀相傳尊天曾鎮制海妖云余曩隨婆羅門

大德行次摩俱羅山於散陀那古廟得瞻禮一通散陀那者譯言
流花。

梵士古代詩人恆言手熱證癡情中沸沙士比爾亦有句云。

Give me your hand, this hand is moist, my lady.

-hot, hot, and moist.' (Othello, Act III. Scene

一迦梨達舍 Kalidasa 梵士詩聖也英吉利騷壇推之爲天

竺沙士比爾讀其劇曲沙君達羅 Sakountala 可以覩其流露
矣。

沙君達羅英文譯本有二 William Jones 譯 Moni

er Monier-Williams 譯猶起信論有梁唐二譯也

曩○羈○秣○陵○李○道○人○爲○余○書○泥○金○扇○面○曰○文○殊○師○利○白○佛○言○世○尊○
何○故○名○般○若○波○羅○蜜○佛○言○般○若○波○羅○蜜○二○十○四○字○余○許○道○人○一○畫○
於○今○十○載○尙○未○報○命○以○余○畫○本○無○成○法○故○耳○

娟○娟○偶○於○席○上○書○絕○句○云○維○摩○居○士○太○猖○狂○天○女○何○來○散○妙○香○
自○笑○禪○心○如○枯○木○花○枝○相○伴○也○無○防○謂○是○敬○安○和○尙○作○余○曰○和○尙○
一○時○興○致○之○語○非○學○吞○針○羅○什○也○

十○二○月○望○日○行○抵○摩○梨○山○古○寺○黃○梅○歲○云○暮○矣○翌○晨○遇○智○周○禪○
師○於○廚○下○相○對○無○言○但○笑○耳○師○工○近○體○俱○幽○憶○怨○斷○之○音○寺○壁○有○

迦○留○陀○夷○尊○者○畫○相○是○章○侯○真○跡○

偈○卽○梵○音○伽○佗○唐○言○頌○譯○云○孤○起○妙○玄○云○不○重○頌○名○孤○起○亦○曰○
諷○頌○姚○秦○鳩○摩○羅○什○有○贈○沙○門○法○和○十○偈○唐○人○多○效○之○阿○耨○宰○覩○
婆○或○輸○盧○迦○波○天○竺○但○數○字○滿○三○十○二○卽○爲○一○偈○號○阿○耨○宰○覩○婆○
偈○蘊○馱○南○者○此○云○集○施○頌○謂○以○少○言○攝○集○多○義○施○他○誦○持○

Spenserian Verse云冒頭短章古代希臘拉丁詩家優爲
之○亦○猶○梵○籍○發○凡○之○頌○也○

草○堂○寺○維○那○叩○余○曰○披○髻○以○來○奚○爲○多○憂○生○之○歎○耶○余○曰○雖○今○
出○家○以○情○求○道○是○以○憂○耳○

余○年○十○七○住○虎○山○法○雲○寺○小○樓○三○楹○朝○雲○推○窗○暮○雨○捲○簾○有○泉○
有○茶○有○筍○有○筍○師○傅○居○羊○城○頻○遣○師○兄○餽○余○糖○果○餅○餌○甚○豐○囑○余○
端○居○靜○攝○毋○事○參○方○後○辭○師○東○行○五○載○師○傅○圓○寂○師○兄○不○審○行○腳○
何○方○賸○余○東○飄○西○蕩○忽○忽○八○年○矣○偶○與○燕○君○言○之○不○覺○淚○下○

印○度○Mahabharata, Ramayana 兩○篇○閎○麗○淵○雅○爲○長○篇○
敘○事○詩○歐○洲○治○文○學○者○視○爲○鴻○寶○猶○Iliad, Odyssey 二○篇○之○
於○希○臘○也○此○土○尙○無○譯○述○唯○華○嚴○疏○鈔○中○有○云○婆○羅○多○書○羅○摩○延○
書○是○其○名○稱○二○詩○於○歐○土○早○有○譯○本○婆○羅○多○書○以○梵○土○哆○君○所○譯○
最○當○英○儒○馬○格○斯○牟○勒○Max Muller 序○而○行○之○有○見○虎○一○文○

之咏。

印度氣候本分三季。熱季。雨季。涼季。昔者詩人好事。更分二閱。月爲一季。歲共六季。曰伐散。多爲春季。曰佉離斯磨。爲夏季。曰縛舍。爲雨季。曰薩羅陀。爲秋季。曰訶伊漫。多爲冬季。曰嘶嘶邏。爲露季。

印度古代詩人好以蓮花喻所歡。猶 Robert Burns 之 Red

Red Rose 余嘗譯頌頌赤薔薇一首載潮音集

波斯昔時才子盛以薔薇代意中人云。

中土蓮花僅紅白二色。產印度者金黃藍紫諸色俱備。唯粉白。

者。晝。開。夜。合。花。瓣。可。餐。諸。花。較。中。土。產。大。數。倍。有。異。香。經。云。芬。陀。利。是。已。

涉江采芙蓉芙蓉當譯 Lotus 或曰 Water-lily 非也英人每譯作 Hibiscus 成木芙蓉矣木芙蓉梵音鉢磨波帝日中王夫人取此花爲小名

日本尺八狀類中土洞簫聞傳自金人其曲有名春雨陰深淒惘余春雨絕句云春雨樓頭尺八簫何時歸看浙江潮芒鞋破鉢無人識踏過櫻花第幾橋

雪君爲余言歐人有禮儀之接吻 (Conventional kiss)

有情愛之接吻 (Emotional kiss)

梵語比多云父莽多云母婆羅多云兄弟先歸羅云石女末陀云蒲桃酒摩利迦云次第花以及東印度人呼水曰鬱特與英吉利語音義並同

桐城方氏維儀年十七寡居教其姪以智儼如人師君子尙其志焉其五律一章云孤幼歸甯養雙親喪老年衰容如斷柳薄命似浮煙詩調淒霜鬢琴心咽凍天蕭蕭居舊館錯記是從前讀之想見其遭時多難也

樓子師不知何許人亦不知其名氏一日偶經游福州路於嶺

南樓下整轡帶次聞樓上某校書唱曲云汝旣無心我便休忽然
大悟因號樓子焉

黃仲則如此星辰非昨夜爲誰風露立終宵是相少情多人語
土人稱荷人曰敦猶言主也華人亦效呼之且習其劣俗華人
土生者曰嘩嘩來自中土者曰新客

梭羅爲首都其酋居焉酋出必以夜喜以生花綴其身畫眉傅
粉侍從甚盛復有弓箭手酋子性揮霍嗜博飲妻妾以數十喜策
肥馬出行傅粉塗脂峨峨雲髻狀若好女焉酋之嬪妾皆席地臥
起得幸而有孕者始得賜以牀褥宮人每日給俸若干使自操井

白宮中見。會無男女。皆裸上體。匍匐而前。會每一語畢。受命者必合掌禮拜。退時亦蛇行也。

余南巡爪哇島。二歲茫茫天海。渺渺余懷。忽接太炎居士素書。兼其近作秋夜一章。知居士深於憂患矣。詩曰。中原亂。無象被髮。入蠻夷。忍詬既三歲。裘葛從之移。秋風起。初夕大火忽。流西登樓。望舊鄉。天柱亦已頽。螻蛄徒爲爾垂翼。思于飛。誰言樂浪樂四海。無雞棲。安得窮石君。彈日淪溟池。草木焦。以黃桂樹猶萋萋。將非天帝醉。金版資東緹。夏氏竟何罪。種類將無遺。昔人瞻周道。中心猶惻惻。何況阻海波。咫尺不可躋。邦家旣幅裂。文采復安施。先民

固○有○作○終○恐○遭○燔○煨○癘○憂○亦○奚○濟○魚○爛○會○有○幾○及○爾○同○沈○淵○又○恐○
罹○蛟○螭○願○言○息○塵○勞○無○生○以○爲○師○

劉○三○工○詩○善○飲○余○畫○文○姬○圖○寄○之○病○蟬○爲○余○題○飛○卿○句○云○紅○淚○
文○姬○洛○水○春○白○頭○蘇○武○天○山○雪○劉○三○以○六○言○三○章○見○答○曰○白○頭○天○
山○蘇○武○紅○淚○洛○水○文○姬○喜○汝○玉○關○深○入○將○安○闔○此○胡○兒○東○瀛○吹○簫○
乞○者○笠○子○壓○到○眉○梢○記○得○臨○觴○嗚○咽○忽○忽○三○日○魂○銷○支○那○音○非○秦○
轉○先○見○婆○羅○多○詩○和○尙○而○定○國○號○國○無○人○焉○可○知○又○貽○余○絕○句○云○
早○歲○耽○禪○見○性○真○江○山○故○宅○獨○愴○神○擔○經○忽○作○圖○南○計○白○馬○投○荒○
第○二○人○時○余○有○印○度○之○行○也○

泰西學子言西人以智性識物東人以感情悟物

張憲崖山行云三宮銜壁國步絕燭天炎火隨風滅間關海道
續螢光力戰崖山猶一決余恆誦之曩畫崖山奇石壁圖太炎居
士爲錄陳元孝詩曰山木蕭蕭風更吹兩崖雲雨至今悲一聲杜
宇啼荒殿十載愁人拜古祠海水有門分上下江山無地限華夷
停舟我亦艱難日愧向蒼苔讀舊碑風人之旨令人黯然
崇禎末年流寇信急上日夜憂勤一夕遣內臣易服出禁探聽
民間消息遇一測字者因舉一友字詢之測字者問何事曰國事
測字者曰不佳反賊早出頭矣急改口曰非此友字乃有字曰更

不佳大明已去其半矣又改口曰非也申酉之酉耳曰愈不佳天子爲至尊至尊已斬頭截腳矣內臣咋舌而還

佛國記耶婆堤卽今爪哇萬歷時華人至爪哇通商者已衆出入俱用元通錢利息甚厚而今日華僑人口已達六十餘萬自生自滅竟不識祖國在何方向爪哇末里洞有人造石山高數十丈千餘年物矣其中千龕萬洞洞有石佛紆迴曲折層出無窮所刻石像較靈隱飛來峯爲精美詢之士人云此石山係華人所造日噉水城爲爪哇奇跡亦中土人所建黃子肅芳約余往遊以病未果也

塞典堡植物園其宏富爲環球第一有書藏藏書二十餘萬均是西籍余以大乘起信論寄之

自巴利八版出石叻途次多悲感晦聞見寄七律一章溫柔敦厚可與山谷詩並讀詩云四載離悰感索居似君南渡又年餘未遺蹤跡人間世稍慰平安海外書向晚梅花纔數點當頭明月滿前除絕勝風景懷人地回首江樓卻不如後一年余經廣州畱廣雅書院一醉而去抵日本居士復追贈一律云五年別去驚初見一醉殊辜萬里來春事陰晴到寒食故人風雨滿離杯拈花衆裏吾多負取鉢人間子未回自有深深無量意豈堪清淺說蓬萊居

士有兼葭樓余作風絮美人圖寄之

日人稱人曰某樣猶某君也此音本西藏語日人不知也

英吉利語與華言音義並同者甚衆康奈爾大學教授某君欲彙而成書余亦得數言以獻如費曰 Fee 訴曰 Sue 拖曰

Tow 理性曰 Reason 路曰 Road 時辰曰 Season

絲曰 Silk 爸爸曰 Papa 爹爹曰 Daddy 媽媽曰 Mam

ma 簿曰 Book 香曰 Scent 聖曰 Saint 君曰 King

蜜曰 Mellie 蜜漿曰 Mead 麥曰 Malt 芒果曰 Mango

禍曰 Woe 而外鷄鳴犬吠均屬諸聲無論矣

海園湘南曹氏子。天賦詩才。不幸短命。十四歲下。豔體有仙氣。非壽徵。十九歲牧牛村外。失足溺死。余僅憶其滴翠滿身。彈竹露落紅雙履。印苔泥。樂譜暗翻金縷曲。食單親檢水晶糖。數句而已。相傳達摩至震旦。初入南海。有士人捧四書進達摩。以鼻嗅之。旋曰。直是非而已。

明末有童謠曰。職方賤如狗。都督滿街走。不圖今日滬上所見。亦復如是。

兵所以衛民。於此土反爲民害。真不祥之物也。力田今樂府有。梳篦謠曰。東家抱兒竄。西家挈婦奔。賊來猶可活。兵來愁殺人。況

聞府帖下大調土司兵此物貪且殘千里無居民掠人持作羹折
屋持作薪莫言少爲貴國威嘗見輕無功害尙小有功憂更深問
誰作俑者必有林中丞蕭條夔子國城郭爲荆榛賊如梳兵如篦
獼狁來更如剃保甯賊未除霸州賊又熾買馬須快劍須利從今
作賊無反計讀之令人扼腕撫膺

余嘗託晦聞倩如如居士刊石印一方文曰我本將心向明月
誰知明月照溝渠燕君謂我習慣未除殆不識和尚之衷曲耶
金堡祝髮後居吾粵丹霞寺著有偏行堂集昔余行腳至紅梅
驛破寺龕傍見手鈔澹歸和尚詩詞三卷心竊愛之想是行客暫

爲○寄○存○余○不○敢○攜○去○猶○記○其○貽○吳○梅○村○一○律○大○義○凜○然○想○見○其○爲○
人○矣○詩○曰○十○郡○名○賢○請○自○思○座○中○若○箇○是○男○兒○鼎○湖○難○挽○龍○髯○日○
鴛○水○爭○持○牛○耳○時○哭○盡○冬○青○徒○有○淚○歌○殘○凝○碧○竟○無○詩○故○陵○麥○飯○
誰○澆○取○贏○得○空○堂○酒○滿○卮○當○日○名○賢○可○知○也○

舊○約○全○書○在○紀○元○前○四○百○五○十○八○年○及○四○百○五○十○年○間○伊○薩○羅○
氏○所○輯○千○四○百○八○十○八○年○意○大○利○始○刊○行○希○布○羅○經○典○全○集○

昔○人○賣○子○句○云○生○猶○如○雛○鳳○年○荒○值○幾○錢○此○行○須○珍○重○不○比○阿○
娘○邊○又○女○致○母○詩○云○挑○燈○含○淚○疊○雲○箋○萬○里○械○封○寄○可○憐○爲○問○生○
身○親○阿○母○賣○兒○還○贖○幾○多○錢○兩○詩○真○一○字○一○淚○也○

緬人惡俗極多有種族號曰浸居於僻野之山社凡遇其父母年歲老者築臺一座甚高恭請老人登其上而社中幼壯男女相率而歌舞於臺下老人從臺上和之至老人樂極生狂忘其在臺上而斂舞跌下身死則以火焚葬之謂老人得天神之召爲莫大之榮幸云

余至中印度時偕二三法侶居芒碭山寺中山中多果樹余每日啖果物五六十枚將及一月私心竊喜謂今後吾可不食人間煙火矣惟是六日一方便便時極苦後得痢疾乃知去道尙遠機緣未至耳

山○齋○飯○罷○渾○無○事○滿○鉢○擎○來○盡○落○花○此○境○不○足○爲○外○人○道○矣○
趙○伯○先○少○有○澄○清○天○下○之○志○余○教○習○江○南○陸○軍○小○學○時○伯○先○爲○
新○軍○第○三○標○標○統○余○每○次○過○從○必○命○兵○士○攜○壺○購○板○鴨○紹○酒○伯○先○
豪○於○飲○既○醉○則○按○劍○高○歌○於○風○吹○細○柳○之○下○或○相○與○馳○騁○於○龍○蟠○
虎○踞○之○間○余○作○畫○倩○劉○三○爲○題○定○庵○絕○句○贈○之○曰○絕○域○從○軍○意○惘○
然○東○南○幽○恨○滿○詞○箋○一○簫○一○劍○生○平○志○負○盡○狂○名○十○五○年○

春○序○將○謝○細○雨○廉○纖○展○誦○拜○輪○詩○ What is wealth, as

it to me, may pass in an hour 卽杜甫富貴於我如浮
雲○句○也○ comprehended, for, without transformatio

n, Men become wolves on any slight occasion, 卽
陶潛多謝諸少年相知不忠厚意氣傾人命離隔復何有句也。

As those who dote on odours pluck the flowers,

and place them on their breast, but place to die

卽李嘉祐花開昔日黃鸝囀妾向青樓已生怨花落黃鸝不復來
妾老君心亦應變句也末二截詞直怨深十方同感。

世說南陽宗世林與曹操同時而薄其爲人不與之交及操作
司空總朝政從客問宗曰可以交未答曰松柏之志猶存香山句
云乃知擇交難須有知人明莫將山上松結託水上萍今之所謂

名士者讀此當何如

豔女皆妒色靜女獨檢蹤任禮恥任妝嫁德不嫁容君子易求
聘小人難自從此志誰與諒琴絃幽韻重此孟郊靜女吟也今者
吾國女子崇尚高乳細腰羨慕婚姻自繇者將書諸紳可耳

英人詩句以師梨最奇詭而兼流麗嘗譯其含羞草一篇峻潔
無倫其詩蓋合中土義山長吉而鎔冶之者曩者英吉利蓮花女
士以師梨詩選媵英領事佛子佛子持貺哲夫哲夫遙贈於余太
炎居士書其端曰師梨所作詩於西方最爲妍麗猶此土有義山
也其贈者亦女子展轉移被爲曼殊闍黎所得或因是縣想提惟

與佛弟難陀同徹於曼殊爲禍爲福未可知也云云

作寒山圖錄寒山詩曰閑步訪高僧煙山萬萬層師親指歸路
月挂一輪燈

廢寺無僧時聽墮葉參以寒蟲斷續之聲乃憶十四歲時隨母
氏羈逗子有女郎手書丹霞詩箋以紅線繫蜻蜓背上使飛入余
窗意似憐余蹭蹬也者詩曰青陽啓佳時白日麗暘谷新碧映郊
坳芳蕤綴林木輕露養篁榮和風送芬馥密葉結重陰繁華繞四
屋萬彙皆專與嗟我守螢獨故居久不歸庭草爲誰綠覽物歎離
羣何以慰心曲

寄劉三白門二絕玉砌孤行夜有聲美人淚眼尙分明莫愁此
夕情何限指點荒煙鎖石城生天成佛我何能幽夢無憑恨不勝
多謝劉三問消息尙畱微命作詩僧

譚嗣同寥天一閣文集中古意兩章甚佳曰磷磷日照鴛鴦瓦
姑射仙人住其下素手閒調雁柱箏花雨空向湘絃灑六幅瀟湘
曳畫裙珠簾垂地暗香凝春風不動鞦韆索獨上紅樓第一層

書札

□ 與柳亞子書

行○時○未○及○一○面○吾○愁○可○知○也○至○西○京○病○復○發○自○分○有○愁○無○命○之○
人○又○安○能○逆○料○後○此○與○吾○亞○子○重○有○握○手○之○歡○否○耶○河○山○信○美○只○
增○惆○悵○耳○亞○子○足○下○曼○殊○謹○狀○

至○大○久○保○復○得○瘡○疾○頃○至○牛○込○少○試○西○藥○明○後○日○赴○大○森○大○森○
有○梅○花○數○百○株○並○是○古○物○已○知○無○奈○姮○娥○冷○病○瘦○梅○花○更○斷○腸○亞○
子○寧○謂○山○僧○此○時○情○緒○不○如○放○翁○乎○大○森○小○住○更○赴○熱○海○熱○海○風○

候○至○佳○吾○結○習○未○忘○猶○負○氣○如○昔○病○魔○其○如○予○何○賜○教○逕○寄○石○井○
方○余○雖○浪○遊○必○能○轉○致○余○逆○旅○也○此○草○敬○叩○雙○安○燕○謹○狀○

亞○子○足○下○不○見○匝○月○酒○量○詩○懷○又○饒○幾○許○庸○僧○無○狀○病○骨○支○離○
學○道○無○成○思○之○欲○泣○歲○末○南○歸○遍○巡○聖○跡○石○龜○懷○海○我○豈○亡○情○舟○
經○黃○浦○亞○子○其○遲○老○納○於○紅○鐙○綠○酒○間○耶○燕○影○伏○枕○謹○叩○亞○子○佩○
宜○兩○居○士○萬○福○

亞○子○足○下○久○不○聞○動○定○云○何○不○思○東○渡○湖○光○梅○影○益○增○惆○悵○日○
來○病○狀○不○佳○須○赴○千○葉○就醫○歲○內○不○能○西○歸○未○審○吾○亞○子○明○春○肯○
來○一○遊○否○如○能○約○桐○蓀○兄○同○來○更○佳○昔○人○秉○燭○夜○遊○良○有○以○也○燕○

影拜白

亞兄足下。聯接兩箋。深以爲慰。大久保書。被洪喬投石頭城下。矣。病骨支離。異域飄寄。舊遊如夢。能不悲哉。瑛前日略清爽。因背醫生大喫年糕。故連日病勢又屬不佳。每日服藥三劑。牛乳少許。足下試思之。藥豈得如八寶飯之容易入口耶。京都雖有倚檻窺簾之勝。徒令人思海上鬪雞走馬之快耳。今晨風氣和朗。醫者誠勿外出。欲一探兒時巷陌。不可得也。盡日靜臥。四顧悄然。但有梅影。猶令孤山鄧尉入吾魂。夢伏望足下無吝教言。幸甚幸甚。佩君無恙。阿瑛謹狀。

登江中孤嶼頗有太冲振衣濯足之概今晨阻雪未上大蓮華
峰歸期當在四月之末吳波容與豈不大快此問亞兄近好玄瑛
白

連日自橫濱而羽田而妙見島而千葉海邊今憩梅屋頗得江
汀澤畔之意昨日舊病復發幸得良醫三四日後復往江戶小住
墮緣消歲月生計老袈裟歸期若定當再函達恩恩敬叩雙安燕
影謹白

亞子足下曼離絕語言文字久昨夕夢君見媵上蔣虹字腿嘉
興大頭菜棗泥月餅黃墟糟蛋各事喜不自勝比醒又萬緒悲涼

倍增歸思。壯士橫刀看草檄。美人挾瑟請題詩。遙知亞子此時樂也。如臘月病不爲累。當檢燕尾烏衣典去。北旋漢上與南社諸子痛飲十日。然後向千山萬山之外聽風望月。亦足以稍慰飄零。亞子其亦有世外之思否耶。不慧曼殊頂禮。

亞子足下。前有數函奉寄。妥收未道。兄今日首途內渡。瑛以校事未了。故弗能同行。當於念外檢燕尾烏衣典去。然後啓行耳。正月十旬可抵滬。瀆聽亞子爲野僧說消魂偈。其樂何極也。三月須東行。未知亞子願伴野僧雲遊否耶。十四日瑛頓首頓首。

與柳亞子馬君武書

亞○子○君○武○兩○公○侍○者○久○別○思○心○彌○結○誰○云○釋○矣○邇○者○振○大○漢○之○
天○聲○想○兩○公○都○在○劍○影○光○中○抵○掌○而○譚○不○慧○遠○適○異○國○惟○有○神○馳○
左○右○耳○天○梅○止○齋○爲○況○何○似○楚○倉○近○居○滬○否○不○慧○又○病○月○餘○支○離○
病○骨○誰○憐○季○子○今○擬○十○二○月○端○歸○故○國○鄧○尉○山○容○我○力○行○正○照○屆○
時○望○諸○公○惠○存○爲○我○說○消○魂○偈○君○武○亞○子○願○耶○否○耶○十○月○二○十○八○
日○三○郎○伏○枕○上○言○

□ 與海上諸友人書

楚○倉○亞○子○少○屏○三○公○無○恙○否○別○後○蜷○臥○舟○中○今○晨○抵○長○崎○始○覺○
不○圖○疲○倦○至○於○斯○極○也○晚○上○趁○急○行○車○後○日○二○時○可○以○寧○家○沿○道○

柳眼花鬚各無聊賴小住彌月卽歸天涯何處無風雨海上故人
毋以爲念曼殊書於紅燒牛肉雞片黃魚之畔

再與海上諸友人書

舟過長崎曾有數行奉寄收到未比來興致何似衲近日腹中
寒沍生洞泄之疾久未修箋道念恕之舊遊雲散旅況無聊日往
坊間搜羅歐人詩集幸得四種稍慰寥寂月杪束裝歸去織女渡
河之後須重來江戶是間尙御薄縣遙知公等正消受桃花扇底
之風也曼殊台十

答蕭公書

蕭公足下。佛國歸航。未見些梨之騎。經窗簾。頻勞燕子之箋。猛憶人鸞。飄鳳泊。負杖行吟。又歛歔。不置耳。昨晤穆弟海上。謂故鄉人傳不慧還俗。及屬某黨某會。均妄語也。不慧性過疏懶。安敢廁身世間。注耶。惟老母之恩。不能忽然置之。故時歸省。足下十年情性之交。必諒我也。拜輪詩久不習誦。曩日偶以微辭移譯。及今思之。殊覺多事。亡友篤生曾尼不慧曰。此道不可以之安身立命。追味此言。吾誠不當以閒愁自戕也。此次過滬。與太炎未嘗相遇。此公興致不淺。知不慧進言之緣。未至。故未造訪。聞已北上矣。今託穆弟奉去。飲馬荒城圖一幅。敬乞足下爲焚化於趙公伯先。

墓前蓋同客秣陵時許趙公者亦昔人挂劍之意此畫而後不忍下筆矣曼殊頓首頓首

與某君書

曼殊再拜敬覆兩辱手書兼君家阿玄將來珍貺謹拜登受感結在心罔有捐替所約弗克應赴謂山僧日醉卓氏壚前則亦已耳何遂要山僧坐綠呢大轎子與紅鬚碧眼人爲伍耶七夕發丹鳳山雞鳴經珠簾瀑旁午至一處人跡荒絕四矚衰柳微汀居然倪迂畫本也草徑甚微徐步得小丘丘後有湖寒流清泚有弄潮兒手攜銀魚三尾口作笛聲過余身畔方知爲瀕海之地問是何

村曰非村落湖名玉女余直譯之曰玉娘湖博君一粲卽日趁漁
船渡沙陀江初九日到樟溪策馬馬頻嘶而行顧望崦嵫悽然身
世之託初十日至楓峽頗類吾鄉屋門十一日小病逆旅主人伺
余甚殷渥似憐余蹒跚也者黃昏於蕭疏籬落間聞英吉利女郎
歌奎迦詩人槐特秋風鳴鳥之詞其音淑媚無倫令人觸感興悲
土人言去此十餘里有古刹締造奇特如病不爲累當往一觀屬
覓之書已函託波斯頓友人代購拙著梵書摩多體文已爲桂柏
華居士籤署明歲宜可出版日食摩爾登糖一袋此茶花女酷嗜
之物也奉去小影見其眉目知狂放如故九月可至香港碧迦君

相見否久不寄箋懼增伊鬱耳

與某公書

曼殊再拜敬覆某公閣下去歲自南東渡勞公遠送於野今得
廣州書復承遠頒水晶糖女兒香各兩盒以公拳摯之情尤令山
僧感懷欲泣別後悠悠行腳臨水登山每欲奉寄數行聊證心量
而握管悲從中來嗟夫三復來示知公固深於憂患矣莊生云水
中有火乃焚大槐今之謂也故交多速衲南歸顧終於無緣一返
鄉關四月三十日從安徽過滬風雨兼天欲造訪令親探問起居
亦不可得與公晤會之期尙難豫定悽惻其何能已耶區子固非

離經叛道之人然此時男子多變爲婦人衲只好緘其口昔人云修其天爵而人爵隨之見時還望以此言勗之衲重五前三日偕燕君行抵舜湖風景秀逸一俟譯事畢業又重赴迎江寺應拂塵法師之招東行須遊泰山之後始定令弟何時渡英如行期已決衲有介紹書三通付之燕君亦於秋間往合衆國惠斯康新大學重攻舊業可時相通問未生養痾日本圖書館事無從而知聞文瀾閣藏書已盡移於圖書館廣雅書藏無恙但未聞有圖書館之設使粵人多讀聖賢之書吾公亦有意於此乎某公盛意衲惟感篆於心丁茲四維不張之世尤得道義之交如兩公者此生慰

矣。夫復何求。五月十八日。

□ 答瑪德利鴈湘處士書

鴈師壇次星洲。一別於今三年。馬背郎當致疏音問。萬里書來。知說法不勞。少病少惱。深以爲慰。燕子箋譯稿已畢。蒙惠題詞雅健。雄深人間。甯有博學多情如吾師者乎。來示所論甚當。佛教雖斥聲論。然楞伽瑜伽所說五法曰相曰名曰分別曰正智曰真如。與波彌尼派相近。楞嚴後出。依於耳根圓通。故有聲論宣明之語。是佛教亦取聲論特形式相異耳。至於應赴之說。古未之聞。昔白起爲秦將。坑長平降卒四十萬。至梁武帝時。誌公智者將斯悲慘之

事○用○警○獨○夫○好○殺○之○心○并○示○所○以○濟○拔○之○方○武○帝○遂○集○天○下○高○僧○
建○水○陸○道○場○凡○七○晝○夜○一○時○名○僧○咸○赴○其○請○應○赴○之○法○自○此○始○檢○
諸○內○典○昔○佛○在○世○爲○法○施○生○以○法○教○化○一○切○有○情○人○間○天○上○莫○不○
以○五○時○八○教○次○第○調○停○而○成○熟○之○諸○弟○子○亦○各○分○化○十○方○恢○弘○其○
道○迨○佛○滅○度○後○阿○難○等○結○集○三○藏○流○通○法○寶○至○漢○明○帝○時○佛○法○始○
入○震○旦○風○流○鄉○盛○唐○宋○以○後○漸○入○澆○漓○取○爲○衣○食○之○資○將○作○販○賣○
之○具○嗟○夫○異○哉○自○旣○未○度○焉○能○度○人○譬○如○落○井○救○人○二○俱○陷○溺○且○
施○者○與○而○不○取○之○謂○今○我○以○法○與○人○人○以○財○與○我○是○謂○貿○易○云○何○
稱○施○況○本○無○法○與○人○徒○資○口○給○耶○縱○有○虔○誠○之○功○不○贖○貪○求○之○過○

若復苟且將事以希利養是謂盜施主物又謂之負債用律有明文呵責非細誌公本是菩薩化身能以圓音利物唐持梵唄無補秋毫矧在今日凡僧相去更何止萬億由延雲棲廣作懺法蔓延至今徒誤正修以資利養流毒沙門其禍至烈至於禪宗本無懺法而今亦相率崇效非但無益於正教而適爲人鄙夷思之甯無墮淚至謂崇拜木偶誠劣俗矣昔中天竺曇摩拙叉善畫隋文帝時自梵土來遍禮中夏阿育王塔至成都雒縣大石寺空中見十二神形便一貌之乃刻木爲十二神形於寺塔下高山少林寺門上有畫神亦爲天竺迦佛陀禪師之迹復次有康僧鎧者初入

吳設象行道時曹不興見梵方佛畫儀範端嚴清古自有威重儼然之色使人見則肅恭有皈仰心卽背而撫之故天下盛傳不興後此雕塑鑄象俱本曹吳卽道子時人稱曹衣出水吳帶當風夫偶象崇拜天竺與希臘羅馬所同天竺民間宗教多雕刻獐惡神象至婆羅門與佛教其始但雕刻小形偶象以爲記念與畫象相去無幾耳逮後希臘侵入被其美術之風而築壇刻象始精矣然觀世尊初滅度時弟子但寶其遺骨貯之塔婆或巡拜聖迹所至之處初非以偶象爲重曾謂如彼僞仁矯義者之淫祀也哉震旦禪師亦有燒木佛事百丈舊規不立佛殿豈非得佛教之本旨

者○耶○若○夫○三○十○二○相○八○十○隨○好○執○之○卽○成○見○病○況○於○雕○刻○之○幻○形○
乎○三○斯○克○烈○多○者○環○球○最○古○之○文○大○乘○經○典○俱○用○之○近○人○不○察○謂○
大○乘○經○爲○巴○利○文○而○不○知○小○乘○間○用○之○耳○三○斯○克○烈○多○正○統○流○通○
於○中○天○竺○西○天○竺○文○帝○玕○瑪○爾○華○蘿○疋○等○處○盤○迦○梨○西○南○接○境○有○
地○名○屈○德○其○地○流○通○烏○利○耶○文○惟○與○盤○迦○梨○絕○不○類○似○土○人○另○有○
文○法○語○集○入○天○竺○西○南○境○有○求○察○羅○帝○及○摩○羅○隄○兩○種○亦○三○斯○克○
烈○多○統○系○也○低○婁○求○爲○哥○羅○門○諦○海○濱○土○語○南○達○案○達○羅○之○北○直○
過○娑○伽○率○都○芝○伽○南○境○及○溯○海○瀕○而○南○達○梅○素○邊○埵○擴○延○至○尼○散○
俾○蘿○等○處○北○與○烏○利○耶○接○西○與○迦○那○多○及○摩○羅○提○接○南○貫○揭○蘭○陀○

等處迦那多與低婁求二文不過少有差別耳兩種本同源也揭
蘭陀字取法於那迦離然其文法結構則甚有差別秣羅耶鑑則
獨用於摩羅鉢南岸就各種字中那迦離最爲重要蓋三斯克烈
多文多以那迦離膽寫至十一世紀勒石鐫刻則全用那迦離矣
迨後南天梵章變體爲五皆用於芬達耶嶺之南卽迦那多低婁
求等天竺古昔俱剝紅柳皮卽檉皮或椶櫚葉卽貝葉作書初天
竺西北境須彌山卽喜馬拉耶其上多紅柳森林及後延及中天
竺東天竺西天竺等處皆用紅柳皮作書最初發見之三斯克烈
多文係鐫紅柳皮上此可證古昔所用材料矣及後回部侵入始

用紙作書而檀皮貝葉廢矣。惟南天仍常用之意。勿忘本耳。檀皮貝葉乃用繩索貫其中間。單孔聯之。故梵土以纈結及線名典籍。曰素。恒纈或修多羅。卽此意也。牛羊皮革等。梵方向禁用之。蓋惡其弗潔。古昔銅板亦多用之。鑄刻此皆倣檀皮或貝葉之形狀。天竺古昔呼墨水曰麻尸束蘆爲管。曰迦羅摩。以墨水及束蘆筆書於檀皮貝葉及紙之上。古昔南天或用木炭作書。尖刀筆亦嘗用之。其形似女子押髮長針。古人用以書蠟版者。凡書旣成。乃用紫檀薄片夾之。纏以繩索。組文繡花布之內。復實以旃檀香屑。最能耐久。先是遊扶南菩提寺。尙得拜觀劫後臨安梨花魂夢。徒令人

心○惻○耳○龍○樹○菩○薩○取○經○事○甚○渺○茫○蓋○華○嚴○經○在○天○竺○何○時○成○立○無
人○識○之○自○古○相○傳○龍○樹○菩○薩○入○海○從○龍○宮○取○出○龍○宮○者○或○疑○爲○龍
族○所○居○乃○天○竺○邊○鄙○野○人○或○是○海○濱○窟○殿○素○有○經○藏○遂○以○龍○宮○名
之○非○真○自○海○底○取○出○也○佛○滅○年○代○種○種○傳○說○不○同○德○意○志○開○士○馬
格○斯○牟○勒○定○爲○西○曆○紀○元○前○四○百○七○十○七○年○蓋○本○佛○陀○伽○耶○碑○文
相○差○又○有○一○年○之○限○吾○師○姑○從○之○可○耳○中○夏○國○號○曰○支○那○者○有○謂
爲○秦○字○轉○音○歐○洲○學○人○皆○具○是○想○女○公○子○新○作○亦○引○據○之○衲○謂○非
然○也○嘗○聞○天○竺○遺○老○之○言○曰○粵○昔○民○間○耕○種○惟○恃○血○指○後○見○中○夏
人○將○來○犁○耜○之○屬○民○咸○駭○歎○始○知○效○法○從○此○命○中○夏○人○曰○支○那○支

那者華言巧黠也是名亦見摩訶婆羅多族大戰經證得音非秦
轉矣或謂因磁器得名如日本之於漆妄也案摩訶婆羅多與羅
摩延二書爲長篇敘事詩雖領馬亦不足望其項背考二詩之作
在吾震旦商時此土向無譯本惟華嚴經偶述其名稱謂出馬鳴
菩薩手文固曠劫難逢衲意樊公當日以其無關正教因弗之譯
與賴吒和羅俱作廣陵散耳今吾震旦已從夢中褫落更何顏絮
絮辯國號納離絕語言文字久矣旣承明問不覺拉雜奉復破夏
至爪哇昔法顯亦嘗經此卽佛國記所云耶婆提今婆羅門與回
教特盛佛徒則僅賸波羅鉢多大石伽藍倒映於積陽之下金碧

飄○零○無○殘○碑○可○拓○時○見○海○鷗○飛○唳○今○擬○歲○暮○歸○棲○鄧○尉○力○行○正○照○
道○遠○心○長○千○萬○珍○重○聞○吾○師○明○春○遂○居○君○斯○坦○未○識○異○日○可○有○機○
緣○扁○舟○容○與○盈○盈○湖○水○寒○照○顰○眉○否○耶○一○千○九○百○十○一○年○七○月○十○
八○日○曼○殊○沙○禪○裡○

□ 與天梅亞子書

天○梅○亞○子○兩○居○士○蓮○座○前○接○哲○子○書○始○知○兩○居○士○道○體○如○昨○天○
中○節○奉○去○一○牋○託○哲○子○轉○交○想○已○塵○清○覽○矣○頃○接○手○示○厚○意○篤○摯○
循○還○敬○誦○不○知○所○以○爲○報○瑛○比○來○咯○血○之○症○復○發○羈○旅○六○月○已○費○
去○七○百○餘○金○故○未○能○買○舟○赴○印○南○洲○暑○溼○未○易○衛○養○承○示○約○圖○良○

會深感遠地殷殷至意遙念諸公文酒風流而我飄零絕島嗟夫
病骨還賸幾朝尙不可知焉問歸期道一佩忍兩公爲況復何如
也平生故人去我萬里伏枕思維豈不悵悵萬梅圖不值一粲今
委作畫愧畫筆久廢但望梵天帝釋有以加庇異日或能歸國勉
應尊命耳前歲佩公恩恩一別都不聞動定懺慧夫人詞何不見
寄一冊今去拙詩尙祈斧政又前佩公許爲我題明故宮瓦當歌
至今未見惠下想佩公亦已忘卻或因通書幸爲我寄言佩公也
吹萬居士前於海上一晤殆如夢幻想起居彌健耳近讀所南千
金散盡還彈鋏四海交空且碎琴句感慨隨之兩居士大著必多

還望便中書示一二以慰纏綿之病幸何如之五月十七日燈下瑛頂禮

與鄭桐蓀柳亞子書

桐蓀亞子兩兄福履多豫幸甚幸甚吾患肺炎幾一月昨日始來東京寄食城外小廟聞伯華先生尙居神田但不知其地址前聞桐兄赴美利堅國阿傳赴雜港然否湘四秦箏阿崔諸人何以不能安貧樂潛也小園嘉樹列植足以流盼時解衣覓蝨放於地上有侏儒亦於髮中麼出一蝨強謂余過彼余言余之蝨自身上色白子之蝨自頭上色黑何強加余以過侏儒雖語塞然吾是弱

國○之○民○無○顏○以○居○無○心○以○寧○亞○子○豈○知○吾○愁○歎○耶○近○發○明○一○事○以○
中○華○乳○腐○塗○麪○包○又○何○讓○外○洋○癡○司○牛○油○哉○牛○乳○不○可○多○飲○西○人○
性○類○牛○卽○此○故○吾○病○愈○歸○廣○東○體○中○何○如○善○保○元○吉○孝○穆○再○拜○三○
月○二○十○二○日○

與柳亞子書

輕○輕○愛○出○風○頭○吾○恐○斯○人○終○爲○細○腰○餓○死○紉○蘭○書○至○言○已○由○英○
之○美○余○勸○渠○歸○來○鄉○國○毋○爲○異○域○之○鬼○此○處○亦○有○蓮○子○羹○八○寶○飯○
唯○往○返○須○數○小○時○坐○汽○車○又○大○不○上○算○打○牌○九○又○恐○紅○頭○阿○三○來○
討○厭○紉○蘭○書○法○甚○有○進○步○但○字○瘦○如○人○耳○輕○輕○好○罵○紉○蘭○曰○如○人○

飲水冷暖自知。像煞有介事。歐洲大亂。呂宋煙餅干都貴。摩爾登糖果自不待言。鮑記室妄談國事實是南京告化子耳。此處尙未換單衣。蘇州天氣何如。亦嘗至植園西園疎散否。不知所裁。

再與柳亞子書

吾日吸鴉片少許。病亦略減。醫者默許。余將此法治病矣。伯順同阿二。昨日趁法蘭西公司船返國。計余在此尙有兩月。返粵又恐不能騎驢子過蘇州。觀前食紫芝齋糗子。糖思之愁歎。阿崔欲來游學。吾甚不謂然。內地已有黃魚學堂。吾謂多一出洋學生。則多一通番賣國之人。國家養士舍口口口先生而外。都是土阿福。

若○夫○女○子○留○學○不○如○學○毛○兒○戲○三○月○二○十○七○日○

□ 三與柳亞子書

得○手○教○省○覽○周○環○惠○同○促○膝○君○遊○武○林○想○此○時○返○紅○梨○矣○伏○維○
起○居○清○豫○欣○慰○良○深○欒○以○旬○疾○未○愈○還○國○之○期○仍○未○定○也○桐○蓀○教○
授○秣○陵○體○中○何○如○吾○無○時○不○思○念○之○振○生○近○日○有○書○至○不○吾○近○爲○
人○譯○書○二○種○如○病○不○爲○累○秋○候○過○已○當○赴○瑞○士○作○酒○徒○耳○孫○大○返○
北○京○有○書○仍○由○平○津○轉○交○此○覆○敬○叩○儷○祉○五○月○初○八○日○欒○弘○白○

□ 與鄧孟碩書

西○園○有○破○梅○爛○石○十○八○世○紀○木○屐○君○豈○憶○念○之○乎○可○憐○余○之○廣○

東皮箱都在滬上拍賣甚至天方國之馬桶亦被紅頭阿三拏去
余欲赴大食國一觀古跡君居紐育城作麼生恐爲癡心魔女所
惑耳如是我言

序跋雜文

文學因緣序

先是在香江讀 Candlin 師所譯葬花詩詞氣淒泊語無增減若法譯離騷經琵琶行諸篇雅麗遠遜原作夫文章構造各自含英有如吾粵木棉素馨遷地弗爲良況歌詩之美在乎節族長短之間慮非譯意所能盡也納謂文詞簡麗相俱者莫若梵文漢文次之歐洲番書瞠乎後矣漢譯經文若輸盧迦均自然綴合無失彼此蓋梵漢字體俱甚茂密而梵文八轉十羅微妙瑰琦斯梵

章所以爲天書也。今吾漢土末世昌披文事弛淪久矣。大漢天聲其真絕耶。比隨慈母至逗子海濱山容幽寂時見殘英辭樹偶錄是編閩江諸友願爲之刊行得毋靈府有難塵泊者哉。曩見 J. J.incs Legge 博士譯述詩經全部其靜女雄雉漢廣數篇與 Middle Kindom 所載不同。谷風鵲巢兩篇又與 Francis Davis 所譯少異。今各錄數篇以證同異。伯夷叔齊采薇歌懿氏繇擊壤歌飯牛歌百里奚妻琴歌箕子麥秀歌箜篌引宋城者謳古詩行行重行行及杜詩國破山河在等亦係 J. J.incs 所譯。李白春日醉起言志子夜吳歌杜甫佳人行班固怨歌行王昌齡閨怨

張籍節婦吟文文山正氣歌等係 Giles 所譯采茶詞亦見 Wi-

lliams 所著 The Middle Kingdom 係 Mercer 學士所

譯其餘散見羣籍都無傳譯者名尙有山中問答玉階怨贈汪倫
數首今俱不復記憶畏友仲子嘗論不知心恨誰句英譯微嫌薄
弱納謂第以此土人譯作英語恐彌不逮是猶倭人之漢譯其蹇
澀殊出意表也又如長安一片月尤屬難譯今英譯亦略得意趣
友人君武譯擺倫哀希臘詩亦宛轉不離原意惟稍遜新小說所
載二章蓋稍失麤豪耳顧歐人譯李白詩不可多得猶此土之於
Byron 也其畱別雅典女郎四章則故友譯自 Byron 集中沙

恭達羅者 Sakountala 印度先聖毘舍密多羅 Viswamit-
ra 女莊豔絕倫後此詩聖迦梨陀娑 Kalidasa 作 Sakoun-
tala 劇曲紀無能勝王 Dusyanta 與沙恭達羅慕戀事百
靈光怪千七百八十九年 Williams Jones (威林畱) 印度十
二年歐人習梵文之先登者始譯以英文傳至德 Goethe 見
之驚歎難爲譬說遂爲之頌則沙恭達綸一章是也 Eastwick
譯爲英文衲重遜譯感概繫之印度爲哲學文物源淵俯視希臘
誠後進耳其摩訶婆羅多 Mahabhrata 羅摩衍那 Ramayana
二章祇謂中土名著雖孔雀東南飛北征南山諸什亦遜彼閎美

而○今○極○目○五○天○荒○邱○殘○照○憶○昔○舟○經○錫○蘭○憑○弔○斷○塔○頽○垣○悽○然○淚○
下○有○恆○河○落○日○千○山○碧○王○舍○號○風○萬○木○煙○句○不○亦○重○可○哀○耶○曼○殊○

潮音序

去○秋○白○零○大○學○教○授○法○蘭○居○士○遊○秣○陵○會○衲○於○祇○桓○精○舍○譚○及○
英○人○近○譯○大○乘○起○信○論○以○爲○破○碎○過○甚○衲○喟○然○歎○曰○譯○事○固○難○況○
譯○以○英○文○首○尾○負○竭○不○稱○其○意○滋○無○論○矣○又○其○卷○端○謂○馬○鳴○此○論○
同○符○景○教○嗚○呼○是○烏○足○以○語○大○乘○者○哉○居○士○屬○衲○爲○購○法○苑○珠○林○
版○久○蠹○蝕○無○以○應○其○求○也○衲○語○居○士○震○旦○萬○事○薺○墜○豈○復○如○昔○時○
所○稱○天○國○Cēlesstial Empire 亦○將○爲○印○度○巴○比○倫○埃○及○希○臘○

之○繼○耳○此○語○思○之○常○有○餘○恫○比○自○秣○陵○遄○歸○將○母○病○起○匈○高○孺○筆○
譯○拜○輪○去○國○行○大○海○哀○希○臘○三○篇○善○哉○拜○輪○以○詩○人○去○國○之○憂○寄○
之○吟○詠○謀○人○家○國○功○成○不○居○雖○與○日○月○爭○光○可○也○嘗○謂○詩○歌○之○美○
在○乎○氣○體○然○其○情○思○幼○眇○抑○亦○十○方○同○感○如○衲○舊○譯○頌○頌○赤○牆○靡○
去○燕○冬○日○答○美○人○贈○束○髮○毳○帶○詩○數○章○可○爲○證○已○古○詩○思○君○令○人○
老○英○譯○作○ To think of you makes me old 辭○氣○相○副○
正○難○再○得○若○小○雅○昔○我○往○矣○楊○柳○依○依○今○我○來○思○雨○雪○霏○霏○行○道○
遲○遲○載○渴○載○饑○我○心○傷○悲○莫○知○我○哀○譯○如○

“At first, when we set out,

The willows were fresh and green;

Now, when we shall be returning,

The snow will be falling in clouds.

Long and tedious will be our marching;

We shall hunger; we shall thirst.

Our hearts are wounded with grief,

And no one knows our sadness.

又陳陶隴西行誓掃匈奴不顧身五千貂錦喪胡塵可憐無定河邊骨猶是春閨夢裏人

“They swore the Huns should perish: they
would die if needs they must,

And now five thousand, sable-clad, have bit
the Tartar dust.

Along the river bank their bones lie scat-
tered where they may,

But still their forms in dreams arise to
fair ones far away.”

顧○視○元○交○猶○不○相○及○自○餘○譯○者○澆○淳○散○朴○損○益○任○情○甯○足○以○勝○

鞅寄之任。今譯是篇。按文切理。語無增飾。陳義悱惻。事辭相稱。世有作者。亦將有感乎斯文。光緒三十二年。佛從多羅夜登陵。奢天下還日。曼殊序於太平洋舟中。

□ 小說雙桺記敘

燕子山僧案爛柯山人此著來意。實紀亡友何靡施性情遭際。從頭至尾。無一生砌之筆。所謂無限傷心。卻不作態。而微詞正誼。又豈甘爲何子一人造狎語邪。夫士君子惟恐修名不立。顧爲嬰嬰婉婉者。損其天年。奚獨何子殆亦言者一往情深。勸懲垂誠焉耳。若夫東家之子。三五之年。飄香曳裾之姿。掩袖迴眸之豔。羅帶

銀鈎綃巾紅淚簾外芭蕉之雨陌頭楊柳之煙人生好夢儘逐春風是亦難言者矣迺書記翩翩鎮翡翠以爲牀拗珊瑚而作筆寶鼎香消寫流魂於異域月華如水聽墮葉於行宮故宅江山梨花雲夢燕子山中淚眼更誰愁似我小剪山下手持寒錫弔才人欲結同心天涯何許不獨秋風鳴鳥聞者生哀也已甲寅七月七日

畫跋

晦聞居士客余於藏書樓寒風蕭瑟落葉打肩居士命畫作此質之居士得毋有夕陽無限好之感耶

癸卯參拜衡山登祝融峰俯視湘流明滅昔黃龍大師登峨嵋

絕頂仰天長歎曰身到此間無可言說惟有放聲恫哭足以酬之耳今衲亦作如是觀入夜宿雨華菴老僧索畫忽憶天然和尚詩云悵望湖州未敢歸故園楊柳欲依依忍看國破先離俗但道親存便返扉萬里飄蓬雙布屨十年回首一僧衣悲歡話盡寒山在殘雪孤峰望晚暉卽寫此贈之

甲辰由暹邏之錫蘭見崦嵫落日因憶法顯玄奘諸公跋涉艱險以臨斯土而遊蹤所經均成往迹余以縶身情網殊悔蹉跎今將西入印度佩珊與余最親愛者也屬余作圖適劉三贈余詩云早歲耽禪見性真江山故宅獨愴神擔經忽作圖南計白馬投荒

第二人因畫此畱別鳴呼異日同赴靈山會耳

昔人出山海關詩有馬後桃花馬前雪教人那得不回頭句然
稍陷柔弱嗣同仁者潼關詩云終古高雲簇此城秋風吹散馬蹏
聲河流大野猶嫌束山入潼關不解平余常誦之今奉慈母遷居
村舍殘冬短晷朔風號林吾姊榎本榮子屬畫泚筆成此

阿輸迦王表彰佛誕生處碑

天愛善見王陛下踐位二十一年巡禮斯地以其爲世尊釋迦
佛所降生陛下旣造石馬復建石柱因是大聖誕生之地藍毗尼
邨旣免戶稅王與有慈惠焉震旦慧龍寺沙門曼殊譯

□ 貽天笑百助女史小影片


無○量○春○愁○無○量○恨○一○時○都○向○指○間○鳴○我○已○袈○裟○全○溼○透○那○堪○重○
聽○割○雞○箏○又○詞○云○樓○上○玉○笙○吹○徹○白○露○冷○飛○珮○玦○黛○淺○含○顰○香○殘○
棲○夢○子○規○啼○月○揚○州○往○事○荒○涼○有○多○少○愁○縈○思○結○燕○語○空○梁○鷗○
盟○寒○渚○畫○闌○飄○雪○余○嘗○作○靜○女○調○箏○圖○爲○題○二○十○八○字○并○錄○雲○林○
高○士○柳○梢○青○一○闌○以○博○百○助○女○史○一○粲○日○來○雪○深○風○急○念○諸○故○人○
鸞○飄○鳳○泊○衲○本○工○愁○云○何○不○感○故○重○書○之○奉○寄○天○笑○足○下○

□ 談劇

余○羈○滬○向○不○觀○新○劇○嘗○被○校○書○輩○強○余○往○觀○新○舞○臺○拏○坡○崙○之○

節○湊○支○離○茫○無○神○彩○新○劇○不○昌○亦○宜○然○矣○前○數○年○東○京○留○學○者○
創○春○柳○社○以○提○倡○新○劇○自○命○曾○演○黑○奴○籲○天○錄○茶○花○女○遺○事○新○蝶○
夢○血○叢○衣○生○相○憐○諸○劇○都○屬○幼○穉○無○甚○可○觀○兼○時○作○麤○劣○語○句○蓋○
多○浮○燥○少○年○孱○入○耳○今○海○上○梨○園○所○排○新○戲○俱○漫○衍○成○篇○間○有○動○
人○之○處○亦○斷○章○取○義○而○已○於○世○道○人○心○何○補○毫○末○約○翰○書○院○某○君○
爲○余○言○青○年○曾○有○精○通○英○吉○利○語○數○君○近○亦○知○略○習○莎○士○比○劇○曲○
將○於○此○土○演○而○行○之○余○曰○亦○誠○善○哉○第○不○知○數○君○將○以○原○文○演○唱○
抑○譯○而○出○之○耶○二○者○都○非○其○時○也○何○則○一○以○國○人○未○嘗○涉○獵○域○外○
文○學○風○化○二○無○善○智○識○如○日○本○坪○內○雄○藏○耳○坪○內○生○平○究○心○莎○氏○

之學且優於文字者也。余肄業早稻田大學，坪爲余教授，又嘗觀其演丹麥國皇子威烈德一劇於帝國劇場。此爲莎士悲劇，畏廬居士所譯，吟邊燕語，鬼詔一則，其梗概也。夫以博學多精如坪內，尙不能如松雪畫馬，得其神駿，遑論淺泛者哉？若謂如歐美士人建設莎士學會，專攻其業，余有厚望焉。滬上聞改良新劇之聲久矣，然其所謂社會教育，果安在哉？迹彼心情，毋亦以布景胡裝兼淺學諸生抄自東籍諸新名辭爲改良耳。於導世誘民之本旨，何與焉？世衰道微，余實爲歎。



蘇玄瑛傳

柳亞子

蘇玄瑛字子穀號曼殊廣東香山人士父某商於倭因贅焉生玄瑛挈之返國玄瑛自少卽喪父母又越在海外伶仃靡可依者則祝髮廣州之雷峯寺本師慧龍長老奇其才試授以學不數年盡通梵漢暨歐羅巴諸國典籍嘗謂世界文字身毒最精密漢土次之希臘羅馬以降瞠乎後矣已而慧龍歿玄瑛漠然無所向遂返初服踰嶺絕大江遍歷湘之長沙皖之安慶蘇之秣陵吳門浙之武林而居上海最久又感玄奘故事萬里裹糧隻身走身毒周遊歐羅巴美利堅諸境自耶婆堤航海歸其間數數東渡倭省母會

前大總統孫文玄瑛鄉人也時方亡命嶠夷期覆清社海內才智之士鱗萃輻湊人人願從玄瑛遊自以爲相見晚玄瑛翱翔其間若莊光之於南陽故人焉及南都建國諸公者皆乘時得位爭欲致玄瑛玄瑛冥鴻物外足未嘗一履其門時論高之生平口不言錢而揮手盡萬金值貲絕窮餓不得餐則擁衾終日臥怡然弗以爲困釋衲以來絕口婚宦事晚居上海好逐狹邪遊姘女盈前弗一破其禪定也中華民國七年五月二日以疾卒於寶隆醫院年口十有口著有梵文典八卷潮音一卷文學因緣一卷燕子龕遺詩一卷雜著隨筆如干卷玄瑛善繪事丹徒趙聲乞爲荒城飲馬

圖未竟聲兵敗嘔血死玄瑛屬人焚其稿墓上自是遂絕筆不復作。

柳棄疾曰德義之漓至清季極矣辛亥之役號稱蕩滌瑕穢特粹孺子儀而閉之南內耳政治教令所從出未嘗毫髮掃除也亡臣降子爭竊天位唯頑鈍寡廉恥是尙積三百年腥腐之末流決藩破施以赴之變本加厲重爲世詬病有以哉若玄瑛者雖雲鶴乎實星鳳已壽不中身賈志入地而夸毗之子且挾其身後之名以自壯也悲夫。

附章太炎曼殊遺畫弁言

亡友蘇元瑛子穀蓋老氏所謂嬰兒者也父廣州產商於日本娶日本女而得子穀廣中重宗法族人以子穀異類羣擯斥之父分貲與其母令子穀出就外傳習英吉利語數歲父死母歸日本子穀貧因爲沙門號曰曼殊不能作佛事復還俗稍與士大夫遊猶時時著沙門衣子穀善藝事尤工繪畫而不解人事至不辨稻麥期候啗飯輒四五孟亦不知爲稻也數以貧困從人乞貸得銀數版卽治食食已銀亦盡嘗在日本一日飲冰五六斤比晚不能動人以爲死視之猶有氣明日復飲冰如故子穀少時父爲聘女及壯貧甚衣裳物色在僧俗間所聘女亦與絕欲更娶人無與者

乃入倡家哭之。倡家駭走。始去美利。加有肥女。重四百斤。脰大如
汲水甕。子穀視之。問求耦耶。安得肥重與君等者。女曰。吾故欲瘦。
人子穀曰。吾體瘦爲君耦。何如其行事多如此。然性率直。見人詐
僞。敗行者。常瞋目詈之。人以其狂。意亦不恨。子穀旣死。友人李根
源。印泉。蔡守哲。夫爲印傳之。




中華民國十二年十一月再版

燕子龕殘稿（全一冊）

（定價大洋三角）

（外埠酌加郵費匯費）



編纂者

吳門周瘦鵑

發行者

大東書局

印刷者

大東書局

上海北西藏路公益里

總發行所

上海四馬路中市

大東書局

分發行所

廣州雙門底

大東書局

心是清淨心 大家同觀

歸宗寶訓 卷之五 終

南無阿彌陀佛

律儀在 大

諸君 弘


不

中

卷

三





EAST-ASIAN LIB. UNIVERSITY OF TORONTO



3 1761 02977 0229

FOR USE IN
LIBRARY
ONLY

PL
2724
U2A17
1923

BRITTLE SHELF